

Broj: 01-01/2-45-1-574/26  
Dana: 04. 03. 2026. godine

**BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
n/r gđa. Edita Kalajdžić, sekretar Vlade**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primijeno: 05-03-2026			
Org. jed.	Broj	Priloga	Vrijednost
05/1	-02-	44	26

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM**

\* n/r gosp. Dragan Mioković, predsjedavajući Predstavničkog doma  
n/r gosp. Sanel Kajan, zastupnik Predstavničkog doma  
n/r gosp. Ivan Miličević, sekretar Predstavničkog doma

**PREDMET:** Poslaničko pitanje gosp. Sanel Kajan, zastupnik Predstavničkog doma  
Parlamenta Federacije Bosne i Hercegovine, odgovor, dostavlja se;-

**V E Z A:** Akt Vlade Federacije Bosne i Hercegovine broj: 03-04-88-5/26 od 18. 02.  
2026. godine, te akt Parlamenta Federacije broj: 05/1-02-44/26 od 16. 02.  
2026. godine.

Poštovani,

Vašim aktom veze dostavljeno je ovom Ministarstvu poslaničko pitanje koju je postavio  
gosp. Sanel Kajan, zastupnik u Predstavničkom domu Parlamenta Federacije Bosne i  
Hercegovine.

Shodno navedenom, u prilogu Vam dostavljamo odgovor Federalne uprave policije u  
sastavu Federalnog ministarstva unutrašnjih poslova, na postavljeno poslaničko  
pitanje.

S poštovanjem,


**MINISTAR**  
dr. sc. Ramo Isak

Prilog: Kao u tekstu

AŠ/AŠ

FMUP-ODG





01/26

Broj: 11-11/5-45-1-860  
Datum: 27.02.2026. godine

**FEDERALNO MINISTARSTVO UNUTRAŠNJIH POSLOVA  
KABINET MINISTRA**

Bosna i Hercegovina  
Federacija Bosne i Hercegovine  
FEDERALNO MINISTARSTVO UNUTRAŠNJIH POSLOVA  
FEDERALNO MINISTARSTVO UNUTARNJIH POSLOVA

PRIMI	03-03-2026
V. 01-45-1-574/26	

**PREDMET:** Poslaničko pitanje, g. Sanel Kajan, zastupnik Predstavničkog doma Parlamenta FBiH, dostavlja se: -

**VEZA:** Akt Predstavničkog doma Parlamenta FBiH broj: 05/1-02-44/26 od 16.02.2026. godine.

Poštovani,

U vezi akta Predstavničkog doma Parlamenta Federacije Bosne i Hercegovine, broj i datum veze, a koji se odnosi na poslaničko pitanje zastupnika Sanela Kajana, a povodom navoda o sadržaju i simbolima istaknutim tokom nastupa pjevača Marko Perković Thompson u Širokom Brijegu, dostavljamo sljedeće izjašnjenje:

Federalna uprava policije obavještava da su, u skladu sa važećim propisima u Bosni i Hercegovini, za organizaciju i osiguranje javnih događaja, uključujući koncerte, nadležne policijske strukture prema mjestu održavanja događaja, i to kantonalna ministarstva unutrašnjih poslova u Federaciji Bosne i Hercegovine, Ministarstvo unutrašnjih poslova Republike Srpske, odnosno Policija Brčko distrikta Bosne i Hercegovine.

S obzirom na to da se koncerti tretiraju kao javna okupljanja, na njih se primjenjuju odredbe zakona o javnom okupljanju kantona na čijem području se održavaju, kao i drugi relevantni propisi, uključujući propise iz oblasti javnog reda i mira. Postupanje u vezi eventualnih prekršaja ili krivičnih djela, kao i procjena postojanja elemenata krivične odgovornosti organizatora ili drugih učesnika, u nadležnosti je mjesno nadležnog kantonalnog ministarstva unutrašnjih poslova i postupajućeg tužilaštva.

U odnosu na eventualne navode koji bi se mogli dovesti u vezu sa izazivanjem ili podsticanjem narodnosne, rasne ili vjerske mržnje, razdora ili netrpeljivosti, ističemo da se takvi navodi cijene i procesuiraju isključivo od strane nadležnih organa, u skladu sa odredbama važećeg krivičnog zakonodavstva i na osnovu utvrđenog činjeničnog stanja u svakom konkretnom slučaju. Federalna uprava policije postupa po službenoj dužnosti ili po zahtjevu nadležnog tužilaštva, u okviru svojih zakonom propisanih nadležnosti, bez prejudiciranja postojanja bilo kakvih elemenata krivične odgovornosti.

Federalna uprava policije nema operativnih saznanja niti je zaprimila prijave koje bi se odnosile na moguću krivičnu odgovornost organizatora ili drugih učesnika navedenih

dogadjaja. Također, Federalna uprava policije nije zaprimila zahtjev za postupanje u konkretnom slučaju od strane nadležnih kantonalnih organa ili tužilaštva.

Naglašavamo da je oblast javnog reda i mira regulisana kantonalnim zakonodavstvom u Federaciji Bosne i Hercegovine, te je nadzor i sankcionisanje eventualnih povreda iz te oblasti u isključivoj nadležnosti kantonalnih ministarstava unutrašnjih poslova.

Federalna uprava policije, u okviru svojih zakonom propisanih nadležnosti, ostaje opredijeljena za saradnju sa svim nadležnim institucijama u Bosni i Hercegovini, te će, ukoliko zaprimi službene informacije ili zahtjeve nadležnih organa, postupati u skladu sa zakonom, s ciljem zaštite ustavnog poretka, sigurnosti građana i poštivanja pozitivnih propisa Federacije Bosne i Hercegovine.

S poštovanjem.

